



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 11. Quæstio, an Christus semetipsum in Cœna Patri suo in Sacrificium obtulerit?

[urn:nbn:de:hbz:466:1-66641](https://nbn-resolving.de/urn:nbn:de:hbz:466:1-66641)

Ceterum contrariis, quæ Joannes Baptista Castanea Rosanensis Archiepiscopus proponebat, argumentis respondebant Petrus Camajanus Fesulis in Etruria Episcopus, & Didacus Covarruvias Civitensis Antistes, illosque sequebantur alii Præfules, atque inter eos Julius Magnanus ex Ordine Fratrum Minorum Calvensis in Corsica Episcopus affirmabat, quod præter recentissimum, ac validissimum exemplum ipsius Tridentini Concilii in præteritis Sessionibus, etiam in Ephesino Canones obscuriores adjecta doctrinæ luce a Sancto Cyrillo declarati fuerint: quapropter sanctum, ut decreta in meliorem ordinem redigi curarent, potissimum eo nomine, quod ipmet, quibus ea sollicitudo fuerat injuncta, plura adhuc corrigenda supereesse faterentur, dein vero cum res omnibus numeris fuerint absolutæ, a Concilio approbarentur.

§. XI.

*Quæstio, an Christus semetipsum in
Cœna Patri suo in Sacrificium
obtulerit?*

Altera, magisque difficilis quæstio in eadem hac Congregatione die unde-
cima Auguſti de oblatione Christi Do-
mini in ultima cœna agitabatur, ibi

Q 2 autem

sæc. XVI.
A.C. 1562.

Sæcul. XVI. autem quærebatur, an Christus seipsum
A.C. 1562. Patri obtulerit tanquam Sacrificium in

cœna, vel duntaxat in Cruce, atque uero
Epist. Scrip. trum Missæ Sacrificium sit propitiatorium.
ad Borrom. Circa hanc quæstionem nihil in
5. Sept. Ep. decretis fuerat digestum, eoquod Ser-
Arch. Gadr. pandus Legatus tum Præses id haud
13. Aug. necessarium fore crederet, cum hæc qua-
apud Pall. stio in Concilio sub Julio III. jam fu-
 rit proposita, imo & discussa: Salme-
 ron vero, cui Sotus adversabatur, men-
 tem suam circa dogmatum capita aperiens,
 Sacrificium esse propitiatorium propugnabat, suasque rationes Patri-
 bus scriptotenus communicabat; quo-
 rumdam tamen sententia hæc erat, Eu-
 charistiam esse Sacrificium propitiatori-
 um, comprobari non posse ex hoc ar-
 gumento, quod Christus Dominus fue-
 rit Sacerdos secundum ordinem Mel-
 chisedech offerens panem, & vinum, cum
 non legitime stabiliri id posset, si adhuc
 ambiguum relinqueretur, an Christus
 unquam Sacrificium propitiationis ob-
 tulerit per panem, & vinum: eapropter,
 postquam decreta in Congregatione Pa-
 tribus fuere proposita, quantocius fer-
 vens hanc in rem excitabatur disputa-
 tio, & sicut animi attentionem fortius
 ad se trahunt res in quæstionem voca-
 tæ, quam manifestæ, ac claræ, quibus
 ingenium nihil de suo tribuit, ita etiam

com-



complures studium, rationesque quis- ^{Sæcul. XVI.}
que suas ad hoc argumentum conver- ^{A. C. 1562.}
terunt.

§. XII.

*Quadruplex Patrum sententia circa
hanc quæstionem.*

Attamen in hac disputatione Synodi ^{Pallav. c. 2.} Patres in quatuor scindebantur clas- ^{n. I.} ses, atque in primam abiit Madruci-
eius Cardinalis, & cum eo Petrus An-
tonius de Capua Archiepiscopus Hy-
druntinus, necnon Castanea Rosanensis
Archipræsul, & alii complures, qui una-
omnes affirmabant, quod Christus pro
nobis seipsum in ultima Cœna immola-
verit, porro id ipsum Scripturæ oracu-
lis, Patrum testimoniis, auctoribusque
Græcis, ac Latinis confirmabant, ac Ca-
stanea addebat, id etiam in libello *In-*
terim Germanici contineri. Postea Joa-
nnes Antonius Pantosa in Neapolis Re-
gno Episcopus Licteracensis considera-
bat verba a Christo ad Apostolos, & in
ipsis ad Sacerdotes dicta, necnon Mel-
*chior Cornelius illud: *Hoc facite*: expli-*
cans perpendebat, quod hæc verba no-
bis indicarent aliquid consimile rei præ-
ceptæ, quæ antea peracta, & postea in-
dicata fuisset, cum id importet illo
*pronomine *hoc*: „jam vero Christus,*
„ajebat ille, præcepit Apostolis, & in i-

Q 3

„pſis

